

龍江船廠志

龍江船廠志序

我

聖祖奄有四海定鼎金陵環都督江也
四方往來省車輓之勞而興船塢之
便洪武初年即於龍江闢設船塢

以爲公司既設工部而分公司於各處
然市無車馬或經部堂或委司官一
員監督提舉口官造馬後定都燕京
南北相距不過千餘里百凡取辦
於南鐵路日多工役日繁奸弊日滋

正德十三年議准咨吏部註錄全

司主事一員居厥專理然成無定法

損益因革或同或異未有成志嘉靖

庚戌李子元翰由名進士出宰劇邑

更歷老練擢任斯職慨矧制之

患記載之靡悉是上無遺餘下無法
守也財殫力疲利未見而害有甚焉
者矣豈

國家建官之初意哉予是時以重乃博
考載稽古錄及數語茶如末一一書

之越兩寒暑萃成爲志授予讀之予
觀其目錄有八首之以訓典曰謨訓
曰典章具載焉尊

王命政令自上行者也然訓典者何故
次之以舟楫曰制額曰器數曰圖式

具載焉而非人孰尸之故次之以官
司曰郎中曰主事曰提舉凡役於厥
者具載焉然人非周知其所蒞亦奚
以從事故凡厥以內曰山川曰道里
曰署宇曰坊舍具載焉動資於財故

次之以飲財曰地誤曰六價曰單板
曰雜料凡廠之所需者具載焉財聚
弊生故次之以乎革曰律已曰收料
曰造船曰收船曰佃田曰看料具載
焉然處之過不及其失均也故次之

以考衷曰稍食曰量材具載焉七者
備矣而曰創制曰設官曰遺跡有一
弗詳亦焉得爲全書故次之以文獻
終焉綱目相屬先後有倫上不得以
立異下不得以行私財不告匱人不

告勞觸之迎刃而解矣豈非司廠者
之一大快哉昔周公相周以大聖人
之才知豈不有餘裕哉而著爲周禮
無亦曰文武之政布在方冊舉而措
之易易耳我

朝諸司職掌

大明會典一周禮也此志固一船事耳
然非元韜之才識宏遠思慮周密亦
安得補遺與於百年之餘哉即徵以
占鉅由今以觀後予於李子將采之

樹立得之矣李子名昭祥雲間人予
丁酉主試應天取士也因序之

嘉靖癸丑日長至

賜進士及第奉政大夫南京尚寶司卿

前翰林院侍講

國史編脩司經局洗馬

經筵講官校

正

歷朝寶訓實錄同脩

會典宋史泰和

歐陽衢撰

龍江船廠志目錄

上海李昭祥

第壹卷

訓典志首曰謨訓載

勅諭以重

王命也次曰典章錄律例以示官常也成規附焉庶一
展閱而知所持循也

第貳卷

舟楫志志船之名數與其形制其目為制額為器

數為圖式明此而職守可慎矣

第叁卷

官司志有是事而後有是官先即中次三事次提舉而凡役於厥者咸得附見焉

第肆卷

建置志凡厥以內山川之形勝道里之廣狹署宇之沿革坊舍之廢置皆以次錄之

第伍卷

欽定志船務非料不集曰地課曰木價曰單板曰

雜料廠之所需者備是矣

第陸卷

乎章志弊不革則利不興上不嚴則下不肅故其
目有六而首之以律已而曰收料曰造船曰收船
白佃田曰看料者次之

第柒卷

考乘志作船之務工料先馬豐約盈縮不可過亦
不可不及也曰稍食曰量材斯二者皆當考其衷
焉而後可

第捌卷

文獻志歷代船制之由始曰創制船官之由始
曰設官而古今論船之異同用船之利鈍者備錄
之曰遺蹟庶可以廣鏡矣

龍江船廠志卷之一

訓典志

在昔盛時上有道揆渙為謨訓下有法守康濟與常
故百工釐而庶績凝所以無事者不其有濟濟之盛
同有若窳神聖所風默而成之太上立德由此其選
矣文告肇興防範斯密明徵保定與治同歸建我
皇祖開基殫漢蹙吳率舟楫是資首建專局用司厥務
神謨所存利用不匱者裕無疆

列聖嗣興乘時損益凡以時異制宜而已易文之經不

象莫殫繫傳廼行此成規所為附見也自一之所信者將于是乎在乃志訓典

謨訓

洪武



年勅

昔聖人也替民俗亦尊制不節上尊之義諸王官居數中之一耳其所司之王者皆無異德也其後世而公務雖簡其成之必實其後世亦官一職而無再為一廢而無復置所以其後世亦少因是而實賢輔若聖德今之人受職任官則又不然失凡臨

事之弊必因公而後私因私以弊上於國則不利於
民為害是以神人共怒禍及身家往往有之未嘗有
福臻而愆消者也然罪者已往存者繼為亦不隔會
歟也所以古人重其事而選人在福民之福固國以
奉天地是以前賢能體君心而以務事工得家歸而
國昌今朕設工部實法古制特以爾某為工部某官
當敬事信工無弊上下咸合汝其良哉

宣德三年勅

朕惟工部掌天下百工山澤之政今度民力因地利

天時以成國家之務夫天地生人雖有貴賤之分而
好惡勞惰無不同過用人力則不堪命惟以身體
人用人之力如已力斯民不病焉國家用度皆出於
民過用於上必過取於下財匱民貧可以為國惟以
身體國用民之財如已出斯財不為九所舉作審
度緩急為之節制以息民力以紓國用可為良哉古
者役民於農隙當思用之以時古者山林川澤有厲
禁當思用之有制今天下工匠數倍

祖宗之世而長避下逸者日多當思無後無廢之道至

若屯田水利之政皆有成法比年因循廢弛罔聞實
效當思興舉作新之方爾其懋哉夫侈用傷財權克
之端厲民循欲歛怨之階書曰民為邦本本固邦寧
節財所以愛民愛民所以愛國臣之職以道事君尚
率爾屬惟公惟清輔予于治庶幾明良相成之美爾
惟欽哉故諭

嘉靖六年旨

訪得南京進貢船隻起數甚多管運內官應請守法
者固有貪刻害人者不無沿途多索人夫勒要折乾

銀兩不遂所欲動輒搜求甚至毆打職官綁縛夫役
裏河一帶俱被其害其非朝廷恤民之意便看兵部
行南京內外守備進貢起數可省則省可併則併
如起數係定額難以省併裝運之時照例看科道兵
部官監視務要儘船裝載不許多撥聽其文帶私貨
搭人索錢其管運內官務選老成安靜的去凡奸貪
刻剝好生事端之人俱不許差遣都察院還出榜禁
約人夫照例上水二十名下水十名公用廩給口糧
俱照段文應付敢有似前多索夫役苛要折克銀兩

生事害民的撫按巡河兵備等官將本船為首一人
拏與被害之人對問明白干礙應叅官員指實具
奏

按舟楫之務冬官之一端耳然故事信工節財愛民
則無異道焉竊嘗伏讀仰窺我

祖宗及

皇上惓惓之意惟欲損上益下俾家國俱昌公私並利
以臻至治而已至于洞察帑都貢獻船隻之擾民併
省徭約嚴禁運官諄諄不已如此其節愛盛心即虞

廷咨吁交儆之義何以加焉方今造船者能無成之
不精廢之不當因公營私病國而害民乎侈用傷財
厲民徇欲而不知以身體國乎撥船者其有不稽厥
實多與以滋夾帶之弊乎

聖靈孔赫

國典於昭有一于此知不免矣書曰率作興事慎乃憲
欽哉屢省乃成詩曰王之蓋臣無念爾祖敬揭首卷
相與佩服焉

典章

欽定大清會典事例
凡在京并沿海去處每歲海運遶東糧餉
船隻每年一次修理其各衛征戰風快船隻等項若
缺少損壞當修理者務要會計木釘灰油麻藤及所
用工具數撥用如有不敷亦當預為規畫或令軍
民採辦或就客商收買或外處撥支審度利便定擬
奏

開行下龍江提舉司計料明白行移各庫放支物料其
工程物件照依料例文冊然後興工如或新造海運
船隻須要度量產木各便地方差人打造其風快小

船就京打造者亦須依例計造木料等項就於各場
庫支撥若內外有船隻務要周知其數設或需索運
用酌量勞逸多寡撥與其各河泊所帶辦魚油鰵每
歲催督造納備用

明律凡造作不如法者笞四十若造軍器不如法者
笞五十若不堪用及應改造者各併計所損財物及
所費工錢重者坐贓論其應供奉御用之物加二等
工匠各以所由為罪局官減工匠一等提調官吏又
減局官一等並均賠物價工錢還官

凡造作局院頭目工匠多破物料入已者計贓以
監守自盜論追物還官局官并覆實官吏知情符同
者與同罪失覺舉者減三等罪止杖一百

國初造黃船制有大小皆為

御用之物至洪熙元年計叁拾柒隻正統十一年計貳
拾伍隻常以十隻留京師河下聽用成化八年本部
奏

准照快船事例定限五年一修十年成造其停泊去處
常用嚴房苦蓋軍夫看守

新江口戰船永樂五年額設一百三十一隻宣德以後增至三百一十九隻至成化十年堪操者上一百四十隻拆卸未造內三四百料者俱改造二百料快船

②洪武初置江淮濟川二衛馬快船及南京錦衣衛等風快船以備水軍進征之用既建北京遂專以運送

郊廟香帛

上供品物軍需器仗及聽候差遣俱屬南京兵部掌管

○永樂五年改造海運船二百四十九隻備使西洋
諸國正統七年令南京造遮洋船三百五十隻給官
軍由海道運糧赴薊州等倉

○登州衛每年裝送花布鈔錠原設海船一百隻正
統間止存三十一隻

職掌條例 凡修造戰巡等船先年本部劄委司屬官
一員前去龍江提舉司督造正德十三年本部會議
題

准註選本司主事一員駐劄管理

又凡留京預備黃船一十隻例該五年一修十年一造如遇該修造之年官軍領駕咨送本部劄付督造主事督同提舉司官吏匠作料計合用物料會有者行龍江抽分竹木局等衙門開支會無者行拘上江二縣舖戶買辦給作修造遵照

取限完工仍付原差官軍領駕料價支蘆課工食支班
臣等

又南京各衛永樂年間額設大黃船二十四隻內
渡江并千料遠年朽爛在塢不堪修造船九隻止有

一十五隻又設小黃船三十六隻俱照例五年一修十年一造先年該修理者就行督造之事并擬舉司官吏匠作會辦修理結申到部奏行工部轉行本部覆查明白奏奉

欽依然後改造正德十四年該南京外守備衙門題准今後大小黃船例該改造者南京工部委官覆勘明白即便會計工料奏行本部轉行成造不必覆查回奏其會有會無物料工價俱同前

嘉靖七年咨送到預備黃船伍隻內三隻該修

驗者係是楠木內二隻該改造者係是川杉等木本部差官齎價四路收買絕無川杉木植題奉

聖旨這船隻既限期緊急准暫用楠木改造欽此

以上黃船例

新江口戰船原額一百七十八隻划船三十七隻

三板船三十隻巡船九十隻正德九年奏添哨船一

百隻造完九十七隻除正德十五年行取四十隻赴

京見在五十七隻通共三百九十七隻該五年一修

十年一造先年修理物料以五分為率官出三分軍

出二分成化二十三年南京內外守備題稱會同南

京工部議得巡船衝冒風浪易於損壞比之戰船不同除修理戰船仍照原擬事例遵行外其見今及以後巡船并在船浮動什物但遇損壞俱行南京工部支給官料修理如各官軍不行看守用心撐駕以致不久損壞并遺失器具者痛加懲治追陪等因工部覆奏備行本部從公查照如果前項巡船曾經會議相應修理別無遺碍就將該用物料查會關支採辦仍委官一員嚴督龍江提舉司官吏匠作及南京中軍都督府差撥管軍同原船旗軍相兼用工如或本

部雖經會議事有窒碍者宜從徑自奏請定奪等因
到部時本部右侍郎黃 國魯經會議不復奏請即
將戰巡等料集與出料修理自後各巡官軍不復出
辦弘治十六年本部因料價不敷題准將改造戰巡
等船會無物料分派直隸蘇松等一十二府廣和二
州徵解應用其匠作工食係修理者本司隨宜斟定
係改造者定立則例榜示俱於班匠銀內支給

嘉靖七年為議處重大事宜請

聖裁以裨修省○南京禮部等衙門案陳內一嚴點開

減修造以紓財用務督造船隻主事方鵬呈稱本職
督造新江口戰船無船四百隻每船一隻成造費銀
二百餘兩修理亦不下五十餘兩例約五年一修十
年一造動費料銀數萬兩切見船之所以速於修造
者其弊在於擇駕官軍視為官物不加愛惜及將隨
船什物私相借貸以致易壞故耳合無比照先年題
准正陽等門查照軍器事例本部查照時節泊船廠
所點閱及將前船十隻編作一幫每日輪流一軍看
守等因該工部覆看得前項處置甚切時弊相應依

擬但事干兵務恐非工屬一官所宜獨任又一月以
次點閱不無煩瑣合無添差兵部委官一員公同兵
科給事中一員每遇季終會同點閱如有官軍不行
愛惜拋棄搥損及將隨船什物私相借貸輕則責令
陪修重則公同參究提問其滿幫輪守之規亦依所
議施行仍每季終取具管駕官軍不致遺失損壞結
狀查較如此則法令既嚴而戢戢常完修造亦有節
矣奉

聖旨是依擬行欽此

嘉靖十三年為修陳標苑急務以修職業以靖江
洋事該操江蕭管巡江南京都察院右副都御史潘
題稱新江口戰船見在面班止用一百二十二隻
船無軍領駕置之無用欲於一百二十二隻之外添
存二十八隻共湊作一百五十隻外再欲將原船改
造輕淺利便船五十隻共定作二百隻發營駕操其
餘船隻俱要除革等因該本部修造戰船雖係本司
職掌其應添減節體例係兵部掌行本部難以裁
擬復咨兵部議處去後今該前因通查案呈到部臣

等看得南京兵部尚書劉龍等議開操江都御史
所奏裁革浙江戰巡等船事情與先年南京工
部右侍郎何塘所奏大畧相同但船料大小船隻名
色各異操演取用之際亦各有所宜必須斟酌應用
多寡量為去留要將四百料戰座船量留二隻二百
料者量留三十八隻一百五十料者十二隻一百
者十六隻三板船十一隻划船十五隻浮橋船五隻
哨船三十隻共一百五十隻就將見在用者存留應
造應修者照數補完其餘不堪應用船隻木料發回

提舉司改造輕淺利便船隻今式樣大小適中
可以遇風可以容眾便於撐駕者五十隻共二百隻比與
本官原奏歲數目相同及仍要遵照舊例修造一節
為照前項船隻既經南京各官會同議處事體已為
允當相應依擬合候

命下本部一咨兵部轉行南京兵部將前項戰巡等船
悉依原議大小名色照數存留并修造二百隻其餘
船隻盡行裁革一行南京工部查照舊例照依年限
修造其該管官事務要嚴督造作如法不許板薄釘

稀仍令領駕各軍小心愛惜若不及年限損壞者照例責令看守之人陪修還官如此則船非虛設財無妄費江防不弛而警急有備矣奉

聖旨是欽此

以上戰巡船例

○後湖額設接應船二隻平船一十隻該三年一小修六年一大修十年改造南京光祿寺掌鹽署額有供應打魚船二隻在金水河採捕魚鮮五年一修十年一造工料出辦與黃船同

以上湖巡船例

○山東兗州衛海船原設一百隻正統十三年減

第八十二次正是一十八隻歲撥立要裝運青冬菜
三席花布銀錢一十二萬餘元前去遼東賞軍餘
船灣泊海濱以備濟寇弘治十六年山東巡撫都御
史奏減四隻其十四隻分派湖廣江西各四隻就彼
成造浙江福建各三隻每隻解銀五千兩赴部買料
成造正德四年為遭風損壞官船事題准不必打造
今後各布政司每三年徵價解部三席花布准收折
色正德五年戶部奏准仍舊打造嘉靖三年本部尚
書詳議得海船之設本為裝運花布防禦海寇今

花布已收折色等資此以為戰艦遇風則奔馳莫止歸陣則重天難旋等因奏行查覆奉

聖旨是海船工程休擬停止今後各布政司不許科派擾民欽此以上海船例

嘉靖四年為修武備之圖設創事南京內外守備衙門題准鑄造佛朗機銅銃六副打造蜈蚣船一隻查係廣東提舉使汪欽奏有佛朗機船長十丈闊三丈尚傍駕槽四十枝周圍置銃三四管底尖面平不畏風浪人立之處用板捍敵不畏矢石每船二百

八撐駕增多人衆其風可以疾走各以爲最靈捷如
雨所向無敵號曰蜈蚣船其鏡管用銅鑄進方者十
餘斤中者五百餘斤小者一百五十斤每鏡一管用
提鏡四把以鉄爲之彈丸內用鉄外用鉛其火藥製
法與中國異鏡一管於遠可百餘丈亦石犯之皆碎
自古鏡之僅見於世者是年行取到廣東船匠梁
亞洪等三名發提舉司先行料造蜈蚣船一隻長七
丈五尺闊一丈六尺及南京兵仗局鑄鑄銅鑄鏡六
副給發新江口官軍領駕操演以上蜈蚣船例

南京名衛快船額設七百八十八隻宣德十年奏准每船物料以十分為率官給六分軍餉官備四分中府委官於造船廠督造弘治十年該南京兵部奏准改造快船一隻南京工部給銀七十兩本部出單場地租銀二十兩本船釘板等銀十兩共一百兩本部委官督造正德十二年又該南京兵部奏行會議原給銀一百兩不敷成造南京工部添銀二十兩兵部添銀一十兩其底船不許變賣存留改造扁淺船裝載軍器等用除去板釘銀一十兩每船共銀一百

二十兩每年成造六隻嘉靖元年又該南京兵部奏
駕自奏議每船一隻兵工二部各加銀一十五兩共
銀一百五十兩每年成造一十二隻嘉靖四年又該
南京兵部議撥底船為數每年成造快船小甲陪補
不下百兩所有底船因仍虛糜誠為可惜今後快船
聽差二三年委未損壞覆查明白即將釘板估計價
值內除十兩資助本船打造工食餘價定三分南京
工部坐二分兵部坐一分於該給銀內各自扣除作
數兵部撥發所費底船必須會同南京工部差委該

司經管官負賬同發估責付本船小司變賣不必按
定年限換次成造各行兵部會同本部議處施行

○嘉靖八年南京兵部為會議重大事宜請

聖裁以裨修省事題准內開修船費多會同南京工部
查議得舊例成造快船一隻該料價銀一百五十兩
其底船臨期看估扣算但人得挪移或生弊竊且官
須會勘未竣後時令無比照消運底船事例每隻定
作銀二十兩以給官銀一百三十兩今奉

欽命歲造四十隻除底船外每年共用官銀五千二百

兩宜酌量多請錢糧廣狹以定分數合無以二千
五百兩坐派南京戶部於北新關商稅餘銀內支給
以一千六百二十兩坐派南京工部於蘆課銀內支
給以一千零八十兩坐派南京兵部於缺官及扣剩
柴薪銀內支給其戶工二部銀兩聽兵部每年於三
月內支取過部以便應用間有遭遇風水漂流損壞
底船難拘定數臨時扣算不在二十兩之限所造船
式合查復舊稍從淺狹使易于撐駕率挽奸人不得
多攬裝載以緩行船甲不至添賠工料以受累且又

便江防之用不失立名風快之於海蓋造船之時兵
工二部各委主事督同該廠把總指揮等官照依時
價收買船料立限成造務使官錢盡有所歸船隻堅
而可久

以上快船例

按脩造快船兵部言之而海船蜈蚣亦久矣畧之
可也然會督之責協濟之費總兵本部且遺制遂浪
亦稽古者所憾也故附錄之以示存羊之意云

成規

凡事體遵行已久恭料可稽而未經奏請或雖經

奏請而條例所不載者不敢混入別為成規附錄于後以便檢閱

一扁淺黃船卷查專為進貢薦新之用先二百料扁淺船三十隻成化二十三年俱因朽爛拆卸停造正德十四年外守備衙門會議大船沿途閤淺不便題咨到部議廢先料船十隻造完給與南京錦衣等衛小甲領駕工料比小黃船間有多寡

一添設哨船卷查嘉靖十二年大勝關備申兵部轉行本部剏付提舉司照哨船式成造發該司領駕巡

選工料如例出給

一抽分座船嘉靖九年以前原係龍江抽分竹木局
打造嘉靖十四年始送提舉司修理至嘉靖二十三
年送司改造遂為定例

一計料船隻凡遇該修造黃船由外守備戰巡船

由操江各該衙門移文本部一行營造主事一行龍

江提舉司相勘應否督造主事司查數額年久年限

省驗委係破壞取具提舉司官吏匠作不扶結狀呈

報本部復委都水司會勘并將材料計值年久不復

督造報批具司備具工料報請送督造司轉報
面騰點呈報准於都水司案內將各用竹木等料
抽分委官查會扣有者謂之會有無者謂之會無查
會至日應修者制行督造主事及蘇江提舉司將會
有者開支會無者收買興工工完呈報仍行撥興司
將用過物料造冊一申本部一申督造分司各查照
若改造者具題候

旨工部移咨至日方劄委官興工

一解領船隻凡戰巡無該脩造者該管批文于六或

百戶解泊橋外投批督造分司行委提舉司官吏查
照本船點算將船上浮動什物逐一點齊如船身破
壞者查原造文卷點完板片方准開橋放入隨稟督
造主事親臨覆驗無欠仍令駕船軍士將應改造者
拆卸堆架方給批廻修造完日呈報本部移文原發
衙門差官各具印信領收領駕督造主事後委官查
照本船點算齊交副官率領駕船軍士將江衙門委
官纜索有無堅固嘉靖三十二年據江衙門移咨本
部內開交驗造定載船八隻涉潮要修更修等因該

主事李 照得造船雖十分完固者亦不慎開淡槓
岸不日可破前船八隻俱經督同各官人等眼同驗
過出廠到營未久豈遽涉漏彼此推誤終致誤事深
為未便合于船完之日呈報本部移咨操江衙門委
官前來廠前與本部委官眼同驗看如式方始領駕
如有前弊退回重修經管匠作如法究治到營之後
不拘久近但有損壞責有攸歸具呈本部准行遵辦
以為定規

一會支物料凡修造合用楠杉等料抽分場局會有

者都水司案呈本部劄行該局知會提舉司差經管
匠作具印信領狀赴真衡司關領勘合赴抽分分司
掛號發局查對無差出給查同仍赴抽分分司告領
准單前赴該場支領到廠查驗明白給作領用嘉靖
二十年帶管營造主事沈啓查得曾有木植向來文
移止分大次根數並無圍圓長短領者發者但憑見
數開支節該領到楠木中有空爛薄小及無兩關與
提舉司相離一十餘里彼此撥交原無記號又無圍
長丈尺數里之間亦尚稱矮匠作適所以小易大何

從稽考况原料丈尺有限若料大用小不無破費之
欺若料小而用大難免包陪之累及查黃船小甲
所領每盈所估之數戰巡船所領多係不堪之材該
局不無輕重之弊議欲會查之時就將根數圍長丈
尺覈實開報照數派撥委官并提舉司對驗相同方
許印烙支出赴廠驗實給用等因具呈本部准立規
規劃付各委官并龍江瓦屑二局龍江提舉司查照
施行

一收買物料凡會無物料俱督造主事拘招商舖照

數買辦丈量秤驗明白發提舉收貯待用其舖商隨
各具到狀三紙帶標納過數目一存照一封送都水
司查明印記一發提舉司出給印信實收申部都水
司案呈移付屯田司估價商舖親自赴庫關支

嘉靖二十六年奉部劄為乞恩憫察虧苦因時估
價以甦商困事據商人楊紀等通狀告稱本部造船
所買楠木價比兵部減少二部相隣率同一體乞賜
吊查定立規則超活商民等因到部行委司廳會同
四司官會議得本部木價雖比兵部畧少但本部所

尺比之兵部每尺短少五分照尺折算價之盈縮相
去不遠相應悉照兵部圖尺鑄造銅尺一樣二根一
留都水司備照一發提舉司較定遵守價值亦照兵
部支給劉仰該司官吏將發下銅尺收貯遵行

又嘉靖二十九年該本部尚書潘■看得兵部原議
船政書冊內楠木照圖計價自圖叁尺起其叁尺以
下者不曾開載雖照銅尺圖量仍依時估算價至今
遵行

又嘉靖三十一年為申明舊制裁弊安民事該本部

尚書潘■題各衙門買辦木植遵照舊規着令編定
坐地舖行領價買用凡經過行商抽分完日給票照
行不許拘留抑買及近年內外木作類多虛張尺數
責有於無收小作大而釘鐵灰硃等料率候委官回
齊一併支價似為淹滯以致商舖屢稱賠累今後應
總給者總給應截支者截支其拘留折買減價齊給
重估覆料等弊盡行裁革等因該工部覆奏

欽依通行遵守于是行商坐賈各有定業矣但各工之
用木無涯舖行之率業有限而截支之令亦亦未見

施行竊恐將來鋪行之告病殆有甚於行商者矣當
事者何預為之支計乎

又嘉靖三十二年該本部尚書孫公看得圍量木
植原無一定之規人易為弊脩行督造主事李昭祥
查議得楠木頭稍俱除鼻量至五尺下篋稍圍比之
頭圍每木長一丈容其減小一寸五分以為定式如
稍尖小不及此式者每小一寸折減長一尺杉木圍
三尺者自頭除鼻量至三尺下篋二尺以下者量至
二尺下篋稍圍須及頭圍一半如尖細不及一半者

不拘幾尺除去不量其木價俱止照頭圍筭給具呈
本部覆行會議無異依擬遵行

一規筭單板嘉靖二十三年該本部尚書宋景公因提

舉司修造船隻所用木植率以根計大小長短無從

稽覈乃立單板則例詳見後凡木悉歸於板以板丈尺

稽木大小長短船亦如之又行各衙門但係本部修

造船隻每樣取駕一隻前來委官逐一丈量通長深

闊丈尺揭算該用單板數目每船置簿一本發仰提

舉司收掌修造之時按籍求之如指諸掌公私便之

嘉靖二十八年督造主事裘衍吊取稅查偶值回祿
遂成灰燼今雖檢閱舊案重錄成帙已非原本舛謬
良多上下猶以為據而不敢少加損焉是刻舟而記
劍也嘗欲細加校證未遑畢志故備記所聞以俟采
者

一拼卸舊船凡船隻應改造者本船釘板即充所造
船料三分止給新料七分相兼取用修者每用新板
換下舊板與拆卸一應不堪舊料俱收入廠入庫造
報本部驗候變賣其修造各船木植完頭工完之日

督造主事行委提舉司查數發仰原管作頭領賣價
銀解部取批廻送驗附卷黃船俱有定數載巡船查

陳舊案施行

改造每隻大黃船銀伍錢 小黃船銀肆錢伍分
修理每隻大小黃船銀貳錢壹分

嘉靖拾伍年造貳百料戰船壹隻壹百伍拾料壹
隻哨船貳拾隻叁板船貳隻划船肆隻壹顆印

巡船拾壹隻巡沙船貳隻共肆拾壹隻完頭叁
千斤木植壹萬叁百斤

嘉靖拾陸年造巡座船壹隻貳百料巡沙船壹隻
壹顆印巡船肆隻划船叁隻共玖隻完頭貳百

斤木植捌百斤
嘉靖拾柒年造肆百料戰座船壹隻完頭壹百斤

嘉靖拾捌年造貳百料戰船捌隻完頭貳千肆百

十

檣貳百斤

嘉靖貳拾玖年造金水河漁船貳隻完頭叁拾斤

木檣壹百斤

修理此改造數少酌量定擬

一變賣舊料嘉靖拾柒年為修造船隻變賣木料事

該罷江提舉司看得累年舊料堆積朽爛具申督造

主事及都水司稟堂准令變賣價銀貳拾玖兩陸錢

貳分解部嘉靖貳拾柒年為變賣繩索以杜卷宗事

提舉司通申修造各起船隻換下棕麻繩索乞行變

賣等因該都水司稟堂行仰該司變賣價銀壹拾兩

貳錢伍分解部俱有批題在卷

一折徵油麻。前經奉旨。查慶油麻。以便成
事。該督造三華李昭祥。看得提舉司額管油麻田地
塘埂。共叁千陸百壹拾畝壹分有零。歲徵桐油陸千
壹百貳拾伍斤黃麻壹萬貳千叁百陸拾肆斤。收時
則在外倍于油用時。則油麻相等。以致油恒不足。麻恒
有餘。要將本年應徵黃麻盡數折徵桐油。但查佃戶
帖內桐油每斤價銀壹分柒厘。黃麻每斤價銀壹分
叁厘。算該麻壹斤肆兩玖錢貳分伍厘。折該油壹斤
訪得見今時價。與此徵有不同。同一虧官損民法當

詳慎移文都水司稟堂撥行拘審舖戶查照時價酌量議擬每麻壹斤捌兩折徵桐油壹斤案呈本部依擬施行

一格眼文簿龍江提舉司掌之船完書其歲月與其號數修理改造則據而考焉及期者結申本部其未及期者則否

一開防出入本廠圍牆額缺木棚毀盡耕牧者雜於工作之間防範頗難舊例編有匠丁輪流把守一應物料非奉分司批照不許擅取出外但出入收支原

無典籍與記卷案汗漫筆錄為奸嘉靖癸拾年督造
主事李昭祥始立出入條壹節不拘開支收買但物
料入廠即登入簿取用之時匠作赴分司告給小票
壹紙掛號出簿提舉司照票驗發每月終該吏將入
簿送分司查對已支盡者印蓋支訖二字未支者發
回該司按籍稽查于是出入之數一舉臆而無遁情
矣

一派徵船料卷查弘治十六年本部因料價不敷題
准將改造戰巡等船料分派直隸蘇松等十二府廣和

二州徵解應用其匠作工食修理者隨宜斟定改造

者定例刊榜曉示遵行

詳見第七卷

一處辦雜工凡戰巡船改造拆船出釘箍桶等匠該
提舉司移文新江口取計在營下班軍役不給工食
若黃船仍本部雇匠應役

一改造黃船原係旗甲駕送到廠交收一如戰巡
船例後因各軍到廠不法俱改泊黃船廠塢內本部
估工給料遣匠修造亦照舊例三十分數扣給不復
點單查對彼此稱便近時黃船仍被改廠而旗甲頗

知畏慎不復似前不法矣

一後湖船隻三年一小修六年一大修十年一造該湖移文本部委官詣湖估計發料修造亦照三七扣給而湖禁有入無出惟工訖告完而已

一裁革船數正德十三年裁革戰巡船貳百伍拾肆隻內貳百料戰船柒拾柒隻壹百伍拾料壹拾叁隻壹百料壹拾伍隻今船伍隻三板船壹拾柒隻划船貳拾伍隻肆百料巡座船叁隻貳百料巡沙船叁拾肆隻壹顆印巡船叁拾隻哨船叁拾隻貳百料兩頭

船貳隻蜈蚣船貳隻

一黃船公費預備船興工必先祭告出水亦如之重
厥事也每祭用羊豕各一提舉司具申本部支官銀
買辦仍送昨堂司及該送船指揮後乃以隨船舊旗
幟變賣充用不復具申故歷年皆無案卷蓋縮莫稽
嘉靖三十二年提舉司備申都水司及督造分司稟
堂詳允轉行估價共得銀柒兩玖錢有零准充公用
仍將用過數目及有無餘剩申報查考